

ԳԵՂԱՐՈՒԵՍ

Գ. ԾԱՆԿԱՐԻՉ

ՎԱՆՕ ԽՕՋԱԲԷԳԵԱՆ

(ՄԱՀԻԱՆ 25-ԱՄԵԱԿԻ ԱՌԻԹՈՎ)

Թիֆլիսի Վերայի գերեզմանատանը, լքած ու մոռացած մի անշուք շիրմի ներքոյ, հանդէս է ժողովրդական տաղանդաւոր մի նկարիչ, որն իր պարզ, բայց գեղարուեստական նկարներով եւ միանշանակ ինքնատիպ արւեստով առանձնատու է տեղ է գրաւում հայ նկարչական մշակութի պատմութեան մէջ։ Դա լաւագոյն վարպետ գծանկարիչ Վանօ Խօջաբէգեանն է, մէկը հայ գեղարուեստի այն պայծառ դէմքերից, որոնք, չնորհիւ իրենց տաղանդի, հայ նկարչութեան զարգացման գծով նշանակալից դեր են կատարել։ Նա հանդիսացել է ո՛չ միայն հայ գեղարուեստական գործունէութեան ընթացքում ստեղծագործել է այնպիսի ուշագրաւ ու գեղեցիկ նկարներ, որոնք այսօր արժէքաւորում են նրա անունը։ Սակայն, չնայած այդ հանգամանքին, նրա նկարչական արւեստի գեղեցկութիւնն ու խորութիւնը ժողովրդական լայն խաւերին դեռ բաղձալից մանի կերպով չեն լուսաբանւած։ Այսօր, սակայն, ժամանակն է, որ զաղթաշխարհի հայութիւնը եւս ծանօթանայ նրա արւեստի էութեան հետ։

Որո՞նք են Խօջաբէգեանի նկարչական արւեստի հիմնական ու բնորոշ յատկանիշները։

Խորապէս ուսումնասիրեցէք քսան տարւայ ընթացքում նրա մէկը միւսից գեղեցիկ եւ տարբեր բովանդակութեամբ գծած նկարները եւ դուք հոն ցայտուն կերպով պիտի տեսնէք նկարչի արւեստի էական ա-

ռանձնատկութիւնները։ Այդ նկարներում նա հանդէս է գալիս որպէս ժանրիստ, գրաֆիկ, երգիծարան, աղբարար և եւ այլն։ Սակայն, նրա գեղարուեստի էութիւնը բնորոշում է միայն եւ միայն գծանկարչութեամբ։ Ահա այն ուղին, որով նա անսպաթաք քայլել է։ Ահա թէ ինչո՞ւ նրա նկարելու միջոցները շատ պարզ են — մի հասարակ մատիտ եւ սպիտակ թուղթ։ Այս է պատճառը, որ նրա նկարներում չէք տեսնում գոյներ եւ երանդներ, այլ՝ միայն գծեր եւ դարձեալ գծեր։ Գծերով է նա ձեռք հետ խօսում, գծերով է ամէն մի նկարի էութիւնն ու խորութիւնն արտայայտում։ Միակ փորձը, որ նա արել է, ջրաներկն է (ակւարէլի), բայց այդ նրան չի բաւարարել եւ նա ամբողջապէս ներկել է գրաֆիկ նկարչութեան։ Հասարակ մատիտի գծագրութեամբ էլ նա արտայայտել է իր ժամանակի դրութիւնները, ապրումները եւ հասարակական կեանքից ստացած իր տպաւորութիւնները։ Միմիայն պարզ եւ հասարակ գծերով պատկերել է նա ժողովրդի կեանքից խմբական տեսարաններ, ուր տեսնում էք տարբեր դէմքեր եւ արտայայտութիւններ։ Առհասարակ, մի հանգամանք պարզ է, որ Խօջաբէգեանը գրաֆիկ նկարչութիւնը հասցրել է նրբութեան եւ կատարելութեան։ Այդ տեսակէտից նա իր ժամանակի միակ լաւագոյն գրաֆիկ հայ նկարիչն է։ Իր ուրոյն ոճով եւ տէխնիկայով էլ նա իր ժամանակաշրջանի միւս տաղանդաւոր նկարիչներից միանշանակ տարբերում է։

Այնուհետեւ պիտի ընդգծել նրա նկարներում իշխող հոգեբանական վերլուծութիւնը։ Նա ո՛չ միայն դէմքեր ու տիպարներ գծելու խոշոր ձիրք է ունեցել, այլ եւ նրանց հոգեկան աշխարհը հարադատօրէն դրսեւորելու մի առանձին յատկութիւն, գծեր, որոնք լաւագոյն նկարչի յատկանիշներ են։ Դիտեցէ՛ք դուք նրա գրծագրած տարբեր արտայայտութիւններ

պատկերող դէմքերը եւ նրանց վրայ պիտի կարգաք տեսալ անձերի հոգեկան ապրումները, նրանց լիւրիքական յոյզերն ու մտորումները։ Առհասարակ, նկարչի գրաֆիկան հայկական դիմանկարչական արւեստում իւրայատուկ տեղ է գրաւում նրանով, որ նա ցայտուն գծագրութեամբ տրւել է այս կամ այն գործող անձին, նկարել է կենդանի մարդկանց կերպարները, իրենց յատուկ արտայայտութեամբ, միմիկայով, կեցուածքով եւ բնորոշ նկարագրով։ Աւելին։ Նա իր նկարած դիմանկարներում խտացնելով իր տիպարների արտաքին գծերը, պատկերների մէջ դրել է տեսալ անձերին բնորոշող որոշ տրամագրութիւններ, նկարելով նրանց ներքին արտայայտող էական յատկութիւնները։

Բնորոշ է եւ ա՛յն, որ նկարիչն ըմբռնել է ո՛չ միայն մարդկանց ապրումները, այլ եւ կենդանիների հոգեբանութիւնը։ Նրա նկարած ձիերի, էջերի, գոմէշների եւ այլ կենդանիների գծագրութեան մէջ տեսնում էք անխօս անասունների հետ հոգեկան դրութիւնը, հանգամանքներ, որոնք վկայում են, որ Խօջաբէգեանը հոգեբանական ցնորք է, որ նա ունեցել է դիտելու, զննելու եւ վերլուծելու հարուստ տեսլներ։ Անդամ նրա աչքից չեն վրիպել հասարակական երեւոյթների ամէնաէական եւ տիպիքական գծերի բնորոշ մանրամասնութիւնները։ Այդ է պատճառը, որ նրա գրծանկարներում տեսնում էք ե՛ւ հարուստ բովանդակութիւն, ե՛ւ հոգեբանական վերլուծութիւն, ե՛ւ բանաստեղծութիւն։ Թե՛րեւս այդ էական երեւոյթներով էլ պիտի բացատրել նրա գծած տիպարների, տեսարանների եւ առհասարակ նկարների կոմպոզիցիայի մէջ իշխող գեղեցիկ ներդաշնակութիւնը։

Առանձնապէս շեշտենք նաեւ նրա որոշ ստեղծագործութիւնների մէջ տիրող նուրբ հիւմօրը, մի գիծ, որը նկարչի նկարներին տալիս է ուրախ, զւարթ արտայայտու-

թիւն եւ առանձին երանգ։ Ահա թէ ինչո՞ւ Խօջաբէգեանին կարելի է դասել հիւմօրիստ նկարիչների շարքում։

Նկարչի արւեստում տեսնում էք նաեւ ազգագրական գծեր ու պատկերներ։ Նա ազգագրագէտի վարպետ վրձինով նկարել է հին, անհետացող Թիֆլիսի հասարակ ժողովրդի վարք եւ բարքի, կենցաղի բնորոշ էջերը — հարսանիք, մկրտութիւն, ուրախութիւն, դէյնօրա, օրա՛ (տօն), պար, թաղում եւ այլ երեւոյթներ, որոնց նկարել է նա ա՛յնքան հարադատ եւ պայծառ գծերով։ Այդ նկարներում դրսեւորւող ազգագրական գծերն էլ նշում են, որ Վանօն հայ կենցաղը ներկայացնող աննրման վարպետ է եւ էթնօգրաֆ նկարիչների շարքում ուրոյն տեղ է գրաւում։

Խօջաբէգեանի արւեստի մի այլ էական յատկանիշը նրա գծանկարներում իշխող գեղարուեստականութիւնն է։ Նա Թիֆլիսի աշխատաւորական խաւի տիպարները եւ ժողովրդի կենցաղի բնորոշող երեւոյթները պատկերել է ո՛չ միայն հարադատ գծագրութեամբ, այլ եւ բանաստեղծական շնչով։ Դիտեցէ՛ք նրա որեւէ նկարը եւ դուք այնտեղ հոգեբանական վերլուծութեան ու ազգագրական տարրերի հետ պիտի տեսնէք նաեւ գեղարուեստական նուրբ պատկերաւորութիւն։ Այդ տեսակէտից ահա նա իր ժամանակի ու միջավայրի բանաստեղծ-նկարիչն է։

Նրա գծանկարների գեղարուեստական յատկանիշներից մէկն էլ հարուստ դիմաւիկան է, որ առանձնապէս դրսեւորւում է իւրաքանչիւր նկարի մէջ եւ խորացնում է նկարչական տպաւորութիւնը։

Նկարչի արւեստի էական առանձնատկութիւններն արձանագրելիս անպայմանօրէն պիտի ընդգծել նրա նկարների մէջ իշխող ռեալիստական գիծը։ Որ ամէն մի արւեստագէտ իր ժամանակի հասարակական կեանքի եւ բնութեան երեւոյթների արտայայտիչը պիտի հանդիսանայ, դա

արդէն անժխտելի մի ճշմարտութիւն է: Այդ տեսակէտը շատ պայծառ կերպով ձեւակերպել է եւ շեշտել ուսւ յայտնի քննադատ Բելիմսկին: Արեւստի էական յատկութիւնը նա համարում է իրականութեան դրսեւորումը: Դա, ի հարկէ, իր ժամանակի լաւագոյն քննադատի գիւտը է, այլ պատմաչրջանի հրամայողական պահանջը: Այդ տեսակէտից ահա բնորոշ է նկարչի արեւստը: Նա գծել է միայն իր ապրած ժամանակի հասարակական կեանքի եւ կենդանի տիպարների պատկերը: Դա իր էութեամբ հէնց ուժալիղ մէկ է: Այդ երեւոյթով էլ պիտի բացատրել, որ նրա գծած պատկերներն ու կերպարները, ասես, խօսում են ձեզ հետ, պատմում ժողովրդի կեանքն՝ իր տարբեր եւ գունազոյզ ելեւէջներով, իսկ ո՛վքեր ծանօթ են անհետացող Թիֆլիսին, ճանաչում են երէկայ գործող կերպարներից շատ շատերին: Այնտեղ էլ կայանում է նկարչի արեւստի հասարակական արժէքը:

Նշանակալից երեւոյթ է նաեւ այն, որ Խօջարէղեանն իր ստեղծագործութիւններով ձգտել է ո՛չ միայն ուժալիստական պատկերաւորմանն ու իրականութեան ճշգրիտ վերարտադրութեանը, այլեւ սիրել է նկարել խմբակաւ տեսարաններ եւ գործողութիւններ՝ հոգեկան ապրումների հարազատ դրսեւորումով: Ուշագրաւ է եւ ա՛յն, որ նա իր ընտրած տարբեր նիւթերով երեւան է հանել ժողովրդի կեանքի բազմաբանգունութիւնը, որոնք ձեզ պատկերում են կենցաղային տարբեր սովորութիւններ: Ահա թէ ինչո՞ւ նրա գծանկարները, ժողովրդական ուրոյն կեանքի մասին ցայտուն դադափար կազմելու համար, շատ բնորոշ են, որպէս խտացած արտայայտութիւններ:

Ընդգծենք, վերջապէս, որ նկարիչն ունի ինքնատիպ արեւստ, սքանչելի կոմպոզիցիաներ, չափազանց արտայայտիչ դէմքեր եւ նուրբ կերպով դասաւորւած խմբ-

րական տեսարաններ, իսկ նկարների մը-շակման կուրտուրայի եւ իր մտալոյացումները պատկերելու տեսակէտից՝ նա անմիջական է, կոնկրէտ եւ այժմէական, երեւոյթներ, որոնք նրա գծանկարները դարձնում են ժողովրդի համար աւելի հասկանալի եւ աւելի հարազատ:

Այժմ տեսնենք, թէ Խօջարէղեանը հասարակական ո՞ր խաւի եւ միջավայրի նըկարիչն է:

Մի հանդամանք պարզ է, որ արեւստագէտն ունի իր ստեղծագործութիւնների յատուկ եւ ուրոյն միջավայրը: Դա նախկին Անդրկովկասի եւ աշտօրւայ վրաստանի մայրաքաղաքն է — Թիֆլիսը: Նկարչի գծանկարների նիւթերն ընդհանրապէս պատկերում են այդ միջավայրի ժողովրդի հին կենցաղն ու տիպարները, դրսեւորում են Թիֆլիսի կոլորիտն ու շարժումը (դինամիկան):

Եթէ տաղանդաւոր աշուղ Սայեաք-Նուլան իր քնարական աննման երգերով արտայայտել է աշխատաւոր դասի սիրային զղացումները եւ Թիֆլիսի ժողովրդական լեզուի գունազոյզութիւնն ու նըրբութիւնը, եթէ յայտնի թատերագիր՝ Գաբրիէլ Սոււնդուկեանն իր հոյակապ «Պէպօ» պիէսով վրձինել է Թիֆլիսի հայ հասարակութեան հակադիր խաւերի պատկերը՝ Զիմգիմովի եւ Պէպօի գեղարուեստական կենդանի տիպերով եւ նրանց հոգեբանութեան ուրոյն գծերով ու տիպիկ կենցաղով, միաժամանակ անխնայ խաբողանել է հայ կեղեքիչներին եւ գծել օրւայ հացն իրենց հալալ քրտինքով ձեռք բերող կինտօներին, եթէ տաղանդաւոր բէալիստ վիպագիր՝ Նար-Դոսն իր «Մեր Բաղը» պատմածքներով նկարել է մեծ քաղաքի՝ Թիֆլիսի, խուլ թաղերում իրենց դոյութիւնը քարշ տուող չքաւոր դասակարգի, վրսաւորապէս Հաւաքարի բնակիչները՝ չարքաշ կեանքը, պատկերել է նըրանց մէջ տիրող մտաւոր թանձր խաւա-

ՆՄՈՅՇՆԵՐ ՎԱՆՈ ԽՕՋԱՐԵՂԵԱՆԻ
ԱՐՈՒԵՍԷՆ



րը, նախապաշարումները, նրանց ընտանեկան յարաբերութիւնների ներքին՝ հոգեբանական խոր գծերը, արձանագրել է կնոջ ստրկական վիճակը, ապա նկարիչ Խօջարէղեանը մտնելով նոյն միջավայրի իրեն հարազատ դասի Պէպօների, Գիքօների եւ Կակուլիների աշխարհը, իր վըծանկարներով անմահացրել է նրանց տիպարները, կենցաղը, վարք ու բարքը, սովորութիւնները եւ հոգեբանութիւնը: Ահա թէ ինչո՞ւ նրան պիտի համարել Թիֆլիսի հարազատ խաւի ամենալաւագոյն նկարիչը:

Սակայն կայ մի հանդամանք եւս: Խօջարէղեանը, Գաբրիէլ Սոււնդուկեանի եւ Նար-Դոսի նման, չի պատկերել ժողովրդական հարազատ դասի ընտանեկան ներքին կեանքի բացասական երեւոյթները,

այլ նկատելի է նրանց այն գծերը, որոնք ունեն գլխաւորապէս ուրախ երանդաւորում: Նրա գծած պատկերներում դուք տեսնում էք ժողովրդական հասարակ դասի զարճութիւնը Կուր գետի վրայ, ծանօթանում էք նրանց հարսանիքի, պարերի, դօտեմարտի, մեռելահաց ուտողների, խոյերի կուլի եւ այլ հանդամանքների հետ: Նշանակալից է նաեւ այն, որ նկարչի նըկարած տիպարների գէմքերի վրայ, ինչպէս նշել եմ, կարողում էք նրանց ներքին ապրումներն ու հոգեբանութիւնը:

ԱՐԱՄ ԵՐԵՄԵԱՆ

Թէհրան, 1950